



1402 йил 20 июлда Амир Темур билан усмонли турк султони Боязид I йилдирим (1389—1402) кўшинлари ўртасида Анкара ёнида бўлган уруш. Унда хар иккй тарафдан 200 мингдан ортик аскар катнашди. Якин Шаркда усмонли турклар, шунингдек Миср султони ал-Фараж (1399—1405) нинг, шунингдек, жалоирийлар (1336—1432) ва коракуюнлилар (1380—1468) нинг сиёсий ва харбий кудрати ошиб, Темур империясининг жануби-гарбий вилоятларига хавф турдирганлиги бу урушнинг очилишига асосий сабаб бўлди. Амир Темур бу урушга қарийб икки йилдан ортик тайёргарлик кўрди: ўша йиллари Кичик Осиё ва Суриянинг бир катор шаҳарлари (Сивас, Халаб ва х. к.) ни ишгол килди. Урушга Боязид I ҳам пухта тайёрланиб, Сивасдан 150 км гарбда Амир Темурнинг отлик кўшинлари учун нокулай бўлган ўрмонзор тоғ ёнбагрида шайланиб турди. Амир Темур Боязид I кўшинлари билан бу ерда жанг килиш режасидан воз кечиб, ўз кўшинларини Кизил ирмок дарёсининг сўл сохилидан туркларнинг орка томонига олиб ўтиб, Анкарани қуршаб олди. Боязид I оркага кайтишга ва ўзи учун нокулай шароитда жанг килишга мажбур бўлди. Жанг 11 июль тонгда усмонли турк кўшинларининг хужуми билан бошланди. Турклар Амир Темур кўшинларининг ўнг канотидан хужум килдилар ва унинг орка тарафига ўтиб, асосий кучларнк эҳтиётдаги қисмлардан ажратиб қўймоқчи бўлдилар. Лекин бу хужумни Темурнинг отлик қисмлари кайтара олди. Шундан сўнг ўнг канотдаги кўшинлар тўхтовсиз қарши хужумга ўтиб, туркларнинг асосий кучларини эҳтиётдаги қисмлардан ажратиб қўйди ва уни қуршаб олди. Темурнинг манглай ва сўл канот қисмлари кам хужумга ўтиб, турк кўшинининг иккала канотини тор-мор этди. Уларнинг марказдаги сара кучлари ҳам янчиб ташланди. Турк кўшинларининг омон қолган қисмлари тумтарақай қоча бошладилар. Боязид I нинг ўзи асир олинди. Амир Темур лашкарлари Боязид I кўшинларининг қолган-қутган қисмини таъкиб этиб, Туркиянинг шаҳарларидан Бурса (Брусса)ни эгаллади ва Мармар денгизи сохилларига чиқиб олди. Боязид I ва кўшинларининг мағлубияти усмонли турк империясининг марказлашувини, Константинопол (Стамбул) нинг турклар томонидан босиб олинишини тўхтатди.

Бўривой Ахмедов